



Kingörokut Nyo Ng'uno Yim

Kikirinde ku Watson Goodman

Pökule — moldoi nye chii

KINGÖROKUT NYO NG'UNO YIM

“KINGÖROKUT NYO NG'UNO YIM” kukichenguno ngongutino Kitabun cho chang. Oghanan surutju karamach lo karkegh ngo Baibol nyinde.

Ngoliondo Tororut kunguno yim akomyoman kungorokai mukulogh cho amate kamoi ngo maral po nyoman. Otosaru kegh chi akutagh ngoku, kukatach Echotion Jesu Kristo Kumany mukuloghunyi. Akughan ombo mukuloghunyi loboi Echotion kulukughetindeniyi, Echotion kuporjini kegh nyinde, akuta ngorekenyi ngo chomnyenyi nyino ghanate mukuloghunyi. Kiongutwan kungeta kunyinai po 1937, akutomanye anyaran chomnyonu karam po Echotion nogye. Osominyi lo tano kegh nyinde kuluku ghetindegho akuluko Echotiondengu ye oto toma igha tagh.

— Watson Goodman (1920-2002)

Chomnyo Tororut

1

Wolo porwecha Tororut lu karam nyoman chomnyenyi nyo kichumecha, ombuwolo, oto kitukechicha pi pu ng'oku kumeghenecha Kristo. —Romen 5:8

Yohana 13:1

Oto tomonye kwet omisyo ng'arachat nyai pu pasaka, kingtu Yesu lu kakwituta saayenyi nyo ng'eto ng'wunyinu kuwu wulo mi Bapo, aku le oto kichum chechi cho kimito ng'wuny kuchum tukwet lutu.

Ng'ang'ata Yohana 1:5

Akung'etunu Yesu Kristo nyo le suwin nyo kighunei, nyo le kuporet nyo pu cho kimeghu,aku nyo wow ombu paitoghu cho

echun cho pu ng'wunyinu. Ombu nyinde nyo chumecha, akutioke-necha ng'okicho ombu oro kisunkachi.

Yohane 3:16

Ombuwolo ku le nyu kicham Tororut ng'wuny, tukutu Werinyi nyo le okong'o, tumepot chi tukul nyo ghunei nyinde, wolo tukusuch supon nyo pu kokoi.

Nyinde nyo muchumunye ku mengutnye Tororut; ombuwolo Tororut ku chomnyogh. Kiporju chomnyo Tororut ombu acha ombu ng'uliondonu lu kikuyokju Tororut Werinyi nyo le okong'o ng'wuny tukesuko supon ombu nyinde. —1 Yohana 4:8, 9

Otop Nyo Po Jesu Kristo

1 Timotheo 3:16

Aku ngutote lu, wow wunyata-nai pu ng'ala Tororut: nyinde nyo king'ang'a ombu por, kikiyitu man ombu Mugulugh, nyo kikisua malaiken, nyo kikiamta ombu pundon, nyo kikighan ombu ng'wunyinu, nyo kikisut kuwu barak ombu ororyu.

Yohana 14:9, 10a

Kulenju Yesu, Omitan ngo akwa nyo kogh nyo le nyu amengutanunyinye Filipo? Chi nyo kakusuwanun ku kakusuwa Bapo; ku lu ne telendenyi, Porwecha Bapo? Meghunenyi lu omitan ori pu Bapo aku mito Bapo ori-nyan?

Kituta ng'alechu lupoi, tukomu ndu kwituta ng'ulion nyo kimwa Echotion ombu werkoiyon, kulu: arosa, mirei murar,aku yiyei weri; akukuro chane kainenyi Imanuel; oto kuwaghach ku, Mi Tororut ngo acha. —Mathayo 1:22, 23

Yohana 1:1, 14

Otoni le tagh kimito Ng'ulion, akimoto Ng'ulionde ngo Tororut, aki Tororut nyinde Ng'uliondonono.... Akiluku Ng'ulion por, akimeny kite kwenunja... aki nyughitate puropju ngo nyoman.

Muminye chi nyo ting' chom-nyogh nyo wow kutul nyete, tukututu chi supondanyi ombu kong'otunechi. —Yohana 15:13

1 Yohana 4:15

Chi anga tukul nyo mwoghei lu
Wero Tororut Yesu, ku tupo
Tororut orinyi aku nyinde ori pu
Tororut.

Kolosaitin 2:9

Ombuwolo menyei chong'undo
Tororut komukol ombu nyinde,
ombu otupo por.

Mathayo 8:29

Arosa, kiteghyu akilendei,
Kiting'etecha ne ngo nyi, Wero
Tororut? Keng'wunanyi so irume-
cha ku tomo kwit asista?

Kuwughuku malaika kulenju,
Ng'wunjininyi Mugulugh nyo
Tilil aku wurinyi owesyo Nyinde
Nyo Toror Tia, aku lenyono tukul

kukuro nyo kuyiyei, nyo Tilil,
Wero Tororut. —Luka 1:35

Mathayo 17:5

Akwotini kitukung'ulonei, aro-
sa, kilom chane polta nyo rel,
arosa, king'wuna poltonai kut
nyo kilu, Nyu ku Werinyan, cha-
manenyan; nyo ochumonan kegh;
atera nyinde.

Akimongutanye nyinde; wolo
kumwoghwanun nyinde nyo ki-
yokwanun abatisenan pugh lu,
Chicono irosenyi lu, ruku
Mugulugh kutupo nyinde, ku
chichono batisanei ombu
Mugulugh nyo Tilil. Akiasuwan
asuwindunan lu, Wero Tororut
chichu. —Yohana 1:33, 34

Jesu Wolo Lenye Mwowiech

Yohana 8:23

Akulenju, Akwa opokwa ng'wuny, Ani opoyan barak; ochikwa cho pu ng'wunyinu, mochanye pu ng'wunyinu.

Yohana 11:25

Kulenju Yesu, Ani ochan kitutunut ngo supon; chi nyo ghunananun, karkegh ndu kuma ku supei.

Yohana 6:35

Kulenju Yesu chane, Ochan makianda supon; nyinde nyo ng'wunjinanun ku momunye kumai nyonikuny, aku nyinde nyo ghunananun ku momunye maral nyonikuny kokoi.

Yohana 13:13

Okurenanukwa Konetin aku Echotion, amwoghekwa nyo karam, ombuwolo lenyonи wulo alatan.

Yohana 9:5

Kutomitan ng'wuny, ochan lupoyundo ng'wuny.

Yohana 8:58

Kulenju Yesu, Nyoman, nyoman omwoghwokwa, Kutomo kumi Abraham, omitan.

Yohana 10:7

Otolupoi kulenju Yesu ng'at, Nyoman, nyoman omwoghwokwa lu, ani ochan ara kechir.

Akuyomis nyorienichai kumbur baraku sus; kucheny makatinechai le mut ngo kaghagh-echai le odeny, kukany kuros yim, kusoyun akumunjeran, akutu makatinechai kinetankachi, akutu kinetankachi nyorioghtunechai. Kwam tukul akupughyu; akwip rarakan cho king'utu kurupon taman-ngo-odeny cho kinyughityu. Aku choni kiam ku king'ata pokoloi tamanut mut cho ki le murum aki sis koru ngo teng'on. —Mathayo 14:19-21

Kuwughuku Simon lu, Echotion, kakeporiyu ngo pughisyonai ogho komukol aku kumukinyorunechanye kugh; wolo oreitan

musuchtin ombu ng'uliondeng'u. Akwotino kikwigh ku lenyono, kughumu kaghagh cho chang'-nyoman, kutu kumuchei kung'utiyu musuchtinekwa.—Luka 5:5, 6

Arosa, chepkorotin odeny kimbur or komas, kukany kulum lu weru Yesu, kuteghyu kulu, Syonjecha Echotion, wero Daudi.... Kusyonju Yesu chane akuswany konyikwa; kunyini kurositu, akurup nyinde. —Mathayo 20:30, 34

Kukany kwit Yesu ku pu Petro, kusuwa pokur pu Petro ruwei purei kiamate kakatana. Ku-
swany ewuni, akupustu kakatanai nyinde; kung'et akupughisieju. —Mathayo 8:14, 15

Jesu Kristo Ku Ighin Echotion

Ombuwolo kikigh tukun lupoi ombu nyinde, cho miyim ngo cho mi barakuto ng'wuny, cho rumu ngo cho murumunye; oto ku ng'e-cheru paitagh, anda echot, anda kiruwokot, anda paitoghu; kiki-gho nyinde tukun lowur, akikigh kuluku chechi. —Kolosaitin 1:16

Ombu . . . akwombu osiswechu pu lut kung'ulonwecha ombu Werai kitu kuluku mulin nyo pu tukun lowur, akigho nyinde ng'wuny. —Hebraen 1:2

Ombuwolo kima Kristo akusup ng'at ombu ng'uliondonu lu, tukupuyu cho kimeghu ngo cho supsot tukul. —Romen 14:9

Yohana 1:3

Kipkono nyinde tukun lupoi, akimukulukunye kugh anga tuluk nyo kikigh amuminye nyinde.

Ighisyewut 2:36

Kulenyono, nya kungutu nyoman ku pu Israel lupoi lu, kegh Tororut Yesu nyete kiapartekwa kuluku Echotion aku Kristo.

1 Korinthen 1:9

Kighunin Tororut, nyo kikukurenokwa tuyogh ngo Werinyi, Yesu Kristo Echotiondenyo.

Atoporjinan pich lupoi kulupo tukungut wulo lata ripata ng'alechoni wung'ote kung'eta kunyisyok ombu Tororut nyo kitowu tukun lupoi. —Efesen 3:9

Romen 14:10

Ku lu ne nyu teruwokini nyo tupjeng'u nyo le nyi? Anda ku lu ne tesusenyi nyo tupjeng'u nyo le nyi? Ombuwolo kughyong'echa lupoi ombu tagh pu ng'acharu kiruwok nyo pu Tororut.

Mathayo 25:32

Akughamutu kegh pundonu lupoi taghtanyi; atukutar okong'o kung'etu anga le oto turei musowondo kechir ngo ng'oror.

Luka 3:17

Ting'eto kamisiandanyi ombu ewuni, aku puchei kutililit wulai kutugho pagh, akughumutu ngano tupotenyi; wolo kupel morur ombu ma nyo memisonye.

Ombuwolo kumeruwokuninye Bapo chi, wolo kikutu Weri kiruwokut tukul. —Yohana 5:22

Ombu asisini ruwokini Tororut wung'ut cho pu pich ombu Yesu Kristo, ku le lugoiwechan cho karamuch. —Romen 2:16

2 Timotheo 4:1

Koyomisinyi tia ombu tagh pu Tororut, ngo Kristo Yesu nyo ruwokini cho supsot ngo cho ki-meghu, ombu tokunutenyi ngo ombu puyunutenyi.

Ighisyewut 10:42

Akiyomisecha keneta pich akesuwindun lu, kicher nyinde Tororut kuluku mutindo ng'ala cho supsot ngo meghon.

Sorunogh Ku Ombo Kristo Angut

Ani ochan kukat; oto lutu chi kuweranun, kusuru, akulutei, akumulu, akunyoru aketagh.

—Yohana 10:9

Kulenju Yesu, Ani ochan ore, ngo nyoman, ngo supon; meng'-wunjininye chi Bapo ameweranun.

—Yohana 14:6

Komwoghwokwa nyu lu, ome-ghsoekwa ombu ng'okikwo; ombuwolo oto moghunakwanye lu ochan nyinde, ku omeghsoekwa ombu ng'okikwo. —Yohana 8:24

Ombu nyono nyu kumupei kusuru lasiny pi cho pkonjini Tororut ombu orenyi nyinde,

ombuwolo supei kokoi tukusoghju chane. —Hebraen 7:25

Akwotino ku kakuluku nyo wong'unot kegh, kuluku nyinde wulo ng'wuno kisoput nyo pu kokoi ombu pich lowur cho terjini.

—Hebraen 5:9

Amuminye kisoputu ombu chi anga, ombuwolo muminye ng'at kainata anga ng'wunyi yim nyo kiketu kwenu pich nyo kusop-jegho. —Ighisyewut 4:12

Kiropecha Kristo keng'etunena chuputo kirurut, ombuwolo kiluku chuput akwombu acha; ombuwolo kikikir lu, Chupote chi tukul nyo kiwuso ket.

—Galatien 3:13

Kolosaitin 1:12-14

Oto omwojinokwa Bapo suru, nyoni kighakwa alukuna cho roko osuko kareran ngo pu mulata tili-luntin ombu lupoyun. Aku nyinde nyo kisurunenech paitaghata tu-wun, akuwuwech kulutech puyunuto Werinyi nyo kichum, nyoni nyo kitig'etecha kitiakat ombu kisunkachi, nyoni ku mutoghuto ng'oku.

Luka 19:10

Ombuwolo kung'wun Wero Chi kuyar akusuru nyino kikupot.

1 Korinthen 1:30

Wolo ku pu nyinde lu omitene-kwa Kristo Yesu, nyo kikighwecha chireryu nyo ng'wuno

Tororut ngo man ngo tililyu ngo kitiakat.

Tito 2:14

Nyo kitutu kegh ombu acha, tukuropenecha tighindun lowur, atukutililju kegh pi cho luwunot, cho kilei kegh ombu pughisyewut cho karamuch.

Ng'ang'ata Yohana 5:9

Akitumei tum nyo rel, ku lendei, Muchininyi cheng'ei nyukumutonono aiyat machewechi, ombuwolo kikeparenyi akwombu kisunkuku keolinyi Tororut pi cho pu ore anga tukul ngo pu ng'al walak tukul ngo pu subich anga tukul ngo pu kore anga tukul.

Romen 5:9

Akupul nyoni, otoni kikeyitwe-cha man ombu kisunkachi, kesorunenecha nurekyu ombu nyinde.

Efesen 1:7

Ombu nyinde nyoni, ombu ki-sunkachi, kitin'etecha soru-nutenyo, lustaghata kinyosutku-cho ku le wulo lata sukunun nyo pu puropjenyi.

1 Yohana 1:7

Wolo oto kupestocha ombu lu-poyun, ku le wulo mito nyinde ombu lupoyun, kughomechine-cha achane ngo achane, akutilile-necha kisun pu Yesu Werinyi ng'oku lupoi.

1 Petro 1:18, 19

Angutu lu kikiropokwa ong'e-tuna otuptinekwo cho pu gule cho kikimutowok bapotunekwo, amo-bunye tukun cho worsot le fedha ngo dhahabu, kupoto kisun cho pu olyot nyo wow, ku le cho pu wawa kech nyo muting'eto perut amuting' simnyon, choni ku pu Kristo.

Hebraen 9:14

Ku mutulenye nyoni tia kisun pu Kristo, nyo kikoghtu kegh ku muting'eto perut ombu oro Mu-gulugh nyo pu kokoi, kutilil kinonjinogheng'wo kung'etuna pughisyewut cho meghate tuku-pughisiejini Tororut nyo supei?

Yohana 20:31

Wolo kikikir chete ataghana lu Yesu ku Kristo, Wero Tororut; akwoto oghunekwa tosuchekwa supon ombu kainenyi.

Yohana 6:28, 29

Otolupoi kulenju, Kighecha ne tukegha pughisyewut pu Tororut? Kuwughuku Yesu kulenju, Nyu ku pughisyo Tororut, keghan nyinde nyo kiyoku.

Efesen 2:8, 9

Ombuwolo kakusorwokwa ombu puropju, ombu oro kighanat; akimeng'wunenye nyoni oringwa kegh, konunuto Tororut; aku mupunye pughisyewut, atu-

mutup chi nyonikuny ndu ku-kwol kegh.

Romen 5:1

Kukany kikuyitwecha man nyu ombu oro kighanat, nya kekalyana ngo Tororut, ombu oro Echotiondenyo Yesu Kristo.

Galatien 5:6

Ombuwolo ombu Kristo Yesu ku mukughnye motut anda nyo mumotat, kupoto kighanat nyo pughisiyi ombu oro chomnyogh.

1 Yohana 5:4

Ombuwolo anga tukul nyo kiyu Tororut kurundoi ng'wuny; akwanyu rundagh nyo kurundoi ng'wuny, nyoni le kighanatenja.

2 Korinthen 1:3

Nya kukwolo Tororut aku
Bapoto Echotiondenyo. Yesu
Kristo, Bapo nyo pu kisyonut aku
Tororut pu saghsaghat lupoi.

Hebraen 4:16

Kerighkinu nyu ng'arachunyi
pu puropju ombu nyakanan tuke-
such kisyonut, atukenyoru purop-
ju kung'arakecha ombu asis nyo
muchini.

Mathayo 18:11-14

Ombuwolo king'wun Wero Chi
kusuru nyo kipot. Olendekwa ne?
Oto ting'eto chi anga tukul kechir
cho le pokol, akutamburar
okong', mupustonye chaye le
tamanut mutngoang'wan ngo

mutngoang'wan akuwu kutu-
ngot kuyarata nyoni kutambu-
rar so? Akwoto nyoru, nyo-
man omwoghwokwa lu kung'u-
ruchei ombu nyoni kutul ombu
choni le tamanut mutngoang'-
wan ngo mutngoang'wan cho
mutomburoriyu. Lata nyoni ku
melu chamata Bapong'wo nyo mi
yim lu tepot kokoi okong' ombu
chetechu mungech.

Tito 3:5

Kisuruwech mombunye pughi-
syewut cho kikighecha ombu man
achane, wolo ku le kisyonjinenyi
pu kegh, ombu oro mwatat nyo pu
yiyut nyo rel ngo kisoputo Mu-
gulugh nyo Tilil.

Opkonjanun lupoi cho kikwa-
ghach achuriegho nikisun, ato-
mung'wok. —Mathayo 1:28

Akwotino kiwighisyu omisye-
wut kuyonda mutworindeniyi ku-
mwoju chai kikukur lu, Apkana;
ombuwolo kikwighisyu tukun
lowur. —Luka 14:17

Asis nyo pu lut, asisono wow pu
omisyo ng'arachat kughyu Yesu,
kuta lu, Oto ama chi anga tukul
maral, kung'wunjanun akugha.

—Yohana 7:37

Aku lendei Mugulugh ngo che-
po koyugh, Nyono. A nyinde nyo
terei nya kumwa lu, Nyono. A
nyinde nyo amate maral nya

kung'wun; nyinde nyo muchei
nya kutach pugh pu supon kulu-
ku konunuto gule.

—Ng'ang'ata Yohana 22:17

Lechono kichicha cho echen cho
kiyoitoi cho pu Kristo, ku le oto
chilei Tororut ombu kutouwecha;
kisomecha ombuwolo somei Kri-
sto lu, Ochomnyena ngo Tororut
ng'at. —2 Korinthen 5:20

2 Timotheo 1:9

Nyo kisuruwech, akikurech
ombu kursyu nyo tilil, amulenye
ighisyewutkucho, wolo ku le
oto kimuchtoi nyinde aku le pu-
ropjenyi nyo kikonecha ombu
Kristo Yesu oto tomanyé kudit
puroyin pu osis kokoi.

Ombu nyono ku rumunote monung'o Tororut ngo monung'o onyut: chi anga tukul nyo meghei man ku mupunye Tororut, ngo nyinde nyo muchumunye werung'wa.

—1 Yohana 3:10

Ombuwolo lupoi cho ndoghogh-jini Mugulugh pu Tororut, choni ku werpo Tororut. Ombuwolo mosukukwanye mugulugh pu mutwornun nyo ipu kiwaghat ng'at; wolo kiosukukwa mugulugh nyo ighecha kelukunecha werkachi, aku ombu nyoni kerirsocha lu, Aba, Bapo.

—Romen 8:14, 15

Filipin 2:15

Tolukunekwa cho muting'eto kinyarat amu kinonsiyewut cho

merokonye, monung'o Tororut cho muting'eto lelut ombu kwenu pun nyo murkelaku chumbunote; kurumunokwa ombu kwenung'wa le lupoyuntin ombu ng'wuny.

Ku lenyono, ang'etena kwenung'wa, apesiegho kegh ngo chane, mwoghei Echotion, amaswany kugh nyo le simnyon atorochkwa nyu. Olukunan bapo ombu akwa, atolukunakwa ombu ani monechan cho le werko ngo cho le tipun, mwoghei Echotion Kimughtoghin.

—2 Korinthen 6:17, 18

Wolo tukul cho kichum nyinde, kitu chane wowun tukuluku werpo Tororut, chono ghunei kainenyi.

—Yohana 1:12

Mwughēy Tororut Lone Baraku Kumn Choghwonoch

15

Galatien 5:19-21

Rumunote nyu pughisyewut pu por, nga chete, alomi, simnyondun, cheporesnun, saghata karkeyintin, ponindun, punyondun, siala, nyonyindun, nurekyu, kiwuliot, semsem, ortuno saghat, king'urialut, pursyu, tamasa, ake tagh ngo ng'al cho le choni. Ombu choni onyoghan omwoghwokwa le oto ku kiomwaghan oto le tagh lu, mumulecha pi cho ighei ng'al cho le choni puyunuto Tororut.

Luka 1:15

Ombuwolo luku nyinde nyo wow ombu tagh pu Echotion, aku mugheghunye komi akwa anda

komun; akinyughitino Mugulugh nyo Tilil kung'eta muyeto kame.

Kepestena nyo karam ku le ombu pughet; melu ombu ake tagh ngo tamusyu, melu ombu kirumut ngo cheporesnun; melu ombu sialat ngo nyonyindun. Wolo alacha Echotion Yesu Kristo, amoros porwei totuni pruchinoghkukwa. —Romen 13:13, 14

Wolo orip kegh akwane, tumukikoi mugulughwekwo chong'undo komun ngo tamasat ngo sung'ata suponete, atukung'wunjok asisoni ku lu chwut le ng'ughup.
—Luka 21:34

Mathayo 22:37, 38

Kulenju, Chama Echotion Tororutung'u ombu mugulughung'u lupoi, ngo supondung'u lupoi, ngo chureryeng'u lupoi. Nyoni kiyomisute nyo wow aku nyo pu tagh.

Marko 10:17-22

Akwoto kitukung'etei kuweju kegh orenyi, kurupju chi okong'o, kukutunju akutep lu, Konetin nyo karam, odoa ne tamul supon nyo pu kokoi? Kulenju Yesu, Ombu ne tekuranunyi karam? muminye nyo karam kupoto okong'o, nyoni ku Tororut. Ingutenyi kiyomisut: Mepar chi, Meporesnun, Mechorsyu, Mesowi-

ndun ombu putindun, Memas chi, Teka kon ngo komut. Akulenju, Konetin, chono lupoi kianam kung'eta otini kiochan munung'. Akuros Yesu chichono, kuchum akulenju, Kururjinyi kugh okong'o; wiya altena cho iting'eto lupoi aitu mei, atesuch kablawach ombu yim; aing'wun, irupkanun. Wolo kusing'iru ombu ng'uliondono, kuwu ombu nyarul; ombu-wolo kiting'eto tukuchi cho chang'.

1 Yohana 5:12

Nyinde nyo ting'eto Weri kuting'eto suponononi; chi nyo muting'etonye Wero Tororut ku muting'etonye supononi.

Efesen 5:6

Makany kulusaka chi nyo ng'al cho pu gule; ombuwolo itini nurekyo Tororut monung'o taghat ombu ng'alechoni.

Yakobo 1:22

Wolo aluku cho ighei ng'ulion, melu cho lumei bat, olusekwa kegh akwane.

1 Korinthen 6:9, 10

Anda mongutokwanye lu mu-mulecha pi cho ghach puyunuto Tororut? Amakany kelusak; cho le cheporestin, anda cho soghei karkeyintin, anda cho ighei alomi, anda cho le kuptakalis, anda choru, anda cho pruchini, anda tumusu, anda cho mwosiyi, anda

cho surisiyi, mumulecha puyunu-to Tororut.

Galatien 6:3

Ombuwolo oto lendei chi ochan kugh, aku mukughnye nyinde, ku lusei kegh.

Mathayo 24:5

Ombuwolo pkonei cho chang' ombu kainenyan, aku lendei, Ochan Kristo, aku potei pi cho chang'.

1 Yohana 3:7, 8

Monechu mungech, makany ku-lusak chi; anga tukul ngo ighei man ku pu man, ku le oto pu man nyinde; nyo ighei ng'oku ku pu onyut; ombuwolo ighei onyutu ng'oku kung'eta otoni le tagh.

Romen 5:12

Ku lenyono, ku le oto kung'wun ng'oku ng'wuny ombu chi okong'o, ngo meghat ombu oro ng'oku; aku lechono kuweju meghat pich lupoi, ombuwolo kikwigh ng'oku lupoi.

Yakobo 1:15

Akwotino kakumir machata, ku yiyei ng'oku; akwotino kakwighisyu ng'oku, ku yiyei meghat.

Ng'ang'ata Yohana 21:8

Wolo cho wughisiyi ngo cho meghunei ngo pi pu ghuyun ngo puru ngo cho poresiyi ngo ponu ngo cho soghei karkeintin, ngo putu lowur, karerandung'wa ku

ombu nanamnai nugho ma ngo kiberiti; nyono ku meghat nyo pu odeny.

Romen 8:6

Ombuwolo kinanata por ku meghat; wolo kinanata Mugulugh ku supon ngo kalya.

Luka 15:32

Wolo kumuchinicha keng'arachena atuketuruna; ombuwolo ki kakuma weringwa nyete, aku supei ng'at; akikupot, akakenyoru.

Romen 6:21

Kiosuchekwa kiyinut ne nyu atai ombu ng'alechono olulyonokwa ye? Ombuwolo lutu ng'a-lechoni ku meghat.

Luka 7:14, 15

Akurech kuswany kugh nyo kusuto, akughyu chai kusutei. Akulu, Murunono, omwoghwunyi lu, Ng'eta. Kung'et kutupu ng'wuny nyu nyai kikuma, akutor kung'alan.

Yohana 11:43, 44

Oto kakumwa ng'alechono, kuta ombu kiteghat nyo wow, Lasaro, ng'etuna. Kung'etu sany nyai kikuma, ratate kelyun ngo ewun suro munduruch; akikurutu tokoch ananga. Kulenju Yesu chane, Atiacha, apustu kuwu.

Yohana 10:17, 18

Ku lenyoni kuchumanun Bapo, ombuwolo otutoian supondenyan

atacheny ng'at. Ku mukuserena-nun, wolo otutoian ande. Oting'-etan owesyu totutoian, ating'etan owesyu tacheny ng'at. Kionyoruan kiyomisutonete kung'wuna Baponyan.

Ng'ang'ata Yohana 1:18

Aku nyo supei; kiameghan, arosa, ochan satat kokoi ngo ko-koi; ating'etan yotowo meghat ngo ng'wen.

1 Korinthen 15:3, 4

Ombuwolo kiokonokwa otoni le tagħiż nyoni kionyoruan lu, Kimeghu Kristo ng'okicha ku le wulo lendei kikirut; akiketup; akiketutu asis pu somok ku le wulo lendei kikirut.

Okonokwa kiyomisut nyo rel,
Ochromnyena; ku le oto kiacha-
makwa, ochomnyena lenyon
tukul. —Yohana 13:34

Akwoto kitukung'etei kuweju
kegh orenyi, kurupju chi ok-
ng'o, kukutunju akutep lu, Kone-
tin nyo karam, odoa ne tamul su-
pon nyo pu kokoi? Kulenju Yesu,
Ombu ne tekuranunyi karam?
muminye nyo karam kupoto
okong'o, nyoni ku Tororut.
Ingutenyi kiyomisut: Mepar chi,
Meporesnun, Mechorsyu, Meso-
windun ombu putindun, Memas
chi, Teka kon ngo komut. Akulen-
ju, Konetin, chono lupoi kia-
nam kung'eta otini kiochan mu-

nung'. Akuros Yesu chichono,
kuchum akulenju, Kururjinyi
kugh okong'o; wiya altena cho
iting'eto lupoi aitu mei, atesuch
kablawach ombu yim; aing'wun,
irupkanun. —Marko 10:17-21

Konetin, kirurut ne nyo wow
ombu kiyomisut? Kulenju, Chama
Echotion Tororutung'u ombu
mugulughung'u lupoi, ngo su-
pondung'u lupoi, ngo chure-
ryeng'u lupoi. Nyoni kiyomisute
nyo wow aku nyo pu tagh. Aku
nyo pu odeny ku karkegh, Chama
pururieng'u ku le oto ichumenyi
kegh. Ombu kiyomisutchu cho le
odeny kuwuso kirurut lupoi ngo
werkoi. —Mathayo 22:36-40

1 Korinthen 3:20

Aku ng'at, Ngut Echotion kinonsiewut cho pu pi cho chire-ruch lu pu gule.

Ighisyewut 17:24-28

Tororut nyo kigh ng'wuny ngo tukun lupoi cho mi ori, ombuwolo Echotiondo yim ngo ng'wuny nyinde, ku mutuponye hekalun cho kikuteka morun; amupughisiejininye ewuno pich le nyo muchei kugh anga tukul; ombuwolo nyinde nyo tuni pich supon nyo kimuny, ngo tukun lupoi. Akigh nyinde pundoni pich kung'-wuna chi okong'o, tukumany ng'wuny komukol, otoni kimot pughisiewut cho pu osis, ngo

rotiotun cho pu wulo munyei chane; tukuyar Tororut, ndan ombu samsamat, atukunyoru, karkegh mulownye ombu chi anga tukul ombu acha; ombuwolo kisopsoecha, akipesteghoecha, akimitecha ombu nyinde; ku le oto kimwa munindo tumwei nyingwa okong', Ombuwolo kichicha lupoi yiyutenyi.

1 Korinthen 4:5

Ku lenyono nyo, moruwoku kugh oto tomonye kwituta asi-stanyi, ndu kung'wun Echotion, nyo ng'onyei, ng'ala tuwun cho wunyote akuporu muchutko mugulugh, atukunyoru nyo chi tukul kwolut nyo ng'wuno Tororut.

22 Ghākat Nyopo Kokoi Ombo Tororutin Cho Chang

Ng'ang'ata Yohana 20:15

Akwoto kimi chi nyo kirumu lu
kimukikirju kitabunai pu supon,
ku kewirju nanamnai pu ma.

Mathayo 13:41, 42

Yoitoi Wero Chi malaikenichi
kupa kughamut ombu puyunu-
tenyi tukun tukul cho ruliegho
pich ngo chane cho ighei ng'ala
tighindun, akulusu chane kupu-
no ma; luku nyu kiteghat ngo
nyagha kelat.

Mathayo 18:8

Ku lenyono, oto leljinyi ewu-
ng'u anda keltung'u, imot aiwirta
kulowit ombu nyi; ng'wang'wa
ombu nyi lutu supon meting'eto
egh anda kel kutul ting'eteno

morun odeny anda kelyun odeny
akewirjinyi ma nyo pu kokoi.

2 Petero 3:7

Wolo ombu ng'uliondononi ku
kakurorju yimwei cho pu ye ngo
kor tukul ma, akeripei ndu
kwitura asis pu kируwok, ngo nyo
pu kinyarata pi cho mutechei
Tororut.

Romen 1:18

Ombuwolo kikiporunu nurekyo
Tororut yim ombu baraku
kibenyut lupoi ngo ghuityo pi cho
kurei man ombu ghuityu.

Mathayo 25:46

Petei chu kulutei kinyarilut nyo
pu kokoi; wolo petei cho pu man
wulo mito supon nyo pu kokoi.

Ighisyewut 17:31

Ombuwolo kiror asis nyo ruwokini ng'wuny komukul ombu man, ombu chichai kikul; aketu pich lupoi nyoman pu ng'alechoni ombuwolo kitūtūna ng'wen.

2 Petero 2:9

Ku ngut Echotion kusuru cho tehei Tororut kung'etunu ghotut, akukaman cho mupucha man ndu kwituta asis pu kируwok tuketu nyarul.

1 Yohana 4:17

Ombu nyu kikukultutit chom-nyogh ombu acha, tukenyoruno nyakanan ombu asis pu kируwok;

ombuwolo, ku le wulo lata nyinde kelatecha ombu ng'wunyinu.

Hebraen 9:27

Aku le otino kikitu pich kumeihu kunyil okong'o aku lutu pu nyono kiruswok.

2 Korinthen 5:10

Ombuwolo mutinye kerumune-no lupoi tagh pu ng'acharu kiruswoko Kristo, tukusuch chi tukul le wulini kigh ombu portanyi, anda cho karamuch anda cho ghach.

Romen 14:12

Ku lenyono achane lupoi kumwojini chi tukul Tororut ng'alechi nyinde.

1 Petro 5:5

... Tororut ngo menotin, wolo tuni puropju cho munung'itu kegh.

Romen 9:16

Kukany ku lenyono, ku mupunye owesyo chichono muchei, anda chichono rupei, wolo Tororut nyo syonjini.

Romen 5:15

Wolo mulenye konunutonono kinyasatanono; ombuwolo oto kimeghu cho chang' kinyasata chichono okong'o, kutus tia puropjo Tororut, ngo konunut nyo mito ombu puropju, nyo pu chi okong'o, Yesu Kristo, ku-chang'it ombu pi cho chang'.

2 Korinthen 8:9

Ombuwolo ongutokwa puropjo Echotiondenja Yesu Kristo lu, kiluku meiwon nyinde nyo ki mokos, ombuwolo kuchumakwa tomokosuchitu ombu oro meiwondunenyi.

2 Korinthen 9:15

Suru ombu Tororut ombu konunutenyi nyo memukenye chi kumwagha lasiny wulo tuptoi.

Ighisyewut 4:33

Akumwatutu kiyoitoghchoni suwindun nyo pu kikutunuto Echotion Yesu ombu owesyu nyo wow; akutupu puropju nyo wow barakung'wa lupoi.

Ku lenyono, kigh Tororut
kunyisyok pu selwondun le nyo
mosuwiyyinye, wolo kerutoju ye
pich lupoi cho pu wop tukul
kukutu. —Ighisyewut 17:30

Luka 13:3

Omwoghwokwa lu, Mulenye
nyono; wolo, ndu mokutokwa
opotsokwa lowur ku lata nyoni.

Ighisyewut 3:19

Okuteno nyu, awughukisyu
tukeng'ong'ogh ng'okikwo, tu-
kupka ombu tagh pu Echotion
osiswo wusut.

Ighisyewut 2:38

Kulenju Petro, Okutena tuke-
batisanak anga tukul ombu
kainata Yesu Kristo, tukemu-

toghwok ng'okikwo, asukekwa
konuto Mugulugh nyo Tilil.

Ombuwolo pughisiyi ng'wonu-
ndonai mito ombu oro Tororut
tukwipu kisoput nyo buriyu
kigheghjin; wolo pughisiyi ng'wo-
nun nyo pu ng'wunyinu tukwipu
meghat. —2 Korinthen 7:10

Mathayo 3:2

Kulu, Okutena: ombuwolo ka-
kulegutit puyunuto yim.

Omwoghwokwa lu, luku ng'u-
rekyu lenyono ombu yim ombu
mwokiyon okong'o nyo kutei
kutul pi cho pu man cho le
tamanut mut-ngo-ang'wan ngo
mut-ngo-ang'wan cho mumu-
chinicha kutogh. —Luka 15:7

Mathayo 6:14

Ombuwolo oto omutogħjikwa pich lelutkukwa, ku muto-ghwokwa tukul Bapongwa nyo mi yim.

Luka 24:47

Atukeomju ombu kainenyi pun-don lupoi kutogħ ngo mutoghuto ng'oku, kutowuno Yerusalem.

Yohana 8:11

Kulenju Yesu nyinde, Ani tukul, moruwokunaninyinye; wiya nyi nyu amegħha ng'oku ng'at.

Ng'ang'ata Yohana 3:20

Arosa, oghyong'an kokat sany akonykonyan; oto lum chi kuti-

nyan akuyat kokat, olutan wulo mito amisian ngo nyinde akwo-misiyu nyinde ngo ani.

Ighisyewut 5:31

Kitoror Tororut nyinde ombu ewuni pu tagħ kuluku nyo wowaku nyo le Għetin, atuktu Israel kutogħ ngo mutoghuto ng'oku.

Marko 2:5

Kukany kusuwa Yesu kighana-teng'wa kulenju chichai kisipote, Werinyu, kakumutogħwunyi ng'okiku.

Ighisyewut 13:38

Nya kurumwokwa nyu wer-kuchu lu, komwokwa mutoghuto ng'oku ombu chichu.

Kolosaitin 3:2

Anana cho mi barak, muchomicha ng'wuny.

Efesen 5:11

Amopor tukul ngo ighisyewut cho pu tuwun cho muyiyot, wolo ng'wang'wa oteghju.

Yakobo 4:4

Cheporestinechu, ku monguto-kwanye lu punyondun ombu Tororut oto numei chi kong'ot ngo ng'wunyinu? Chi anga tukul nyu nyo muchei kuluku kong'o ng'wunyinu ku kakwegh kegh kuluku punyondo Tororut.

1 Yohana 2:15, 16

Amacham ng'wunyinu anda tukun cho mito ng'wunyinu. Oto

cham chi ng'wunyinu ku mumi-nye chomnyo Bapo orinyi. Ombuwolo lupoi cho mi ng'wunyinu, cho le pruchinogh pu por ngo pruchinogh pu konyun ngo kwoluto kegh ombu supon, ku mupkonecha Bapo wolo pkono ng'wunyinu.

Tito 2:11, 12

Ombuwolo kirumu puropjo Tororut nyo ipjini pich lowur surunut, netecha lu, ketaghi-siegheno ng'al cho mumi techata Tororut ngo muchut cho pu ng'wunyinu, ketupieno ripata kegh ngo man, ngo otup nyo pu techata Tororut, ombu puroyin pu osiswechu.

Meng'wunenye chorin kupoto
oto chor, akupar, akunyar;
kiang'wunan nyo le ani tukusuch
chane supon, atukunyoro ombu
chong'un. —Yohana 10:10

1 Yohana 2:29

Oto ongutakwa lu pu man
nyinde, ongutu lu anga tukul nyo
ighei man ku kuyu nyinde.

1 Yohana 5:18

Kingutecha lu chi anga tukul
nyo kiyu Tororut ku meghunye
ng'oku; wolo nyinde nyo kikuyu
Tororut ku ripei amuswang'unye
mwokion chichonu.

Kuwughuku Yesu kulenju,
Nyoman, nyoman omwoghwunyi,
Ndu mukeyu chi ng'at kume-

mūchenye tukusuwa puyunuto
Tororut. —Yohana 3:3

Aku lenyono, oto mi chi Kristo
ori, ku ighan nyo rel; ku kikuwer
ng'ala kuny; arosa, kikurelachitu
ng'alechi. —2 Korinthen 5:17

1 Petro 1:23

Ombuwolo kikeyiyokwa nyo
rel, mombunye kusugh cho wur-
sot wolo ombu cho muworsotja,
ombu ng'uliondo Tororut nyo
supei aku tupo.

Yohana 10:10

Meng'wunenye chorin kupoto
oto chor, akupar, akunyar;
kiang'wunan nyo le ani tukusuch
chane supon, atukunyoro ombu
chong'un.

Efesen 2:1, 6

Aku akwa, kiochikwa meghon ombu kinyorut ngo ng'oku, . . . akututwecha ngo nyinde, akwi-ghecha kemburo ngo nyinde ombu yim, ombu Kristo Yesu.

Kolosaitin 3:1-4

Kukany kaketutwokwa nyu ngo Kristo, amara cho pu barak, wulo mito Kristo, mburei ewu tagh nyo pu Tororut. Anana cho mi barak, muchomicha ng'wuny. Ombuwolo kiomeghekwa, akiku-wuny supondungwa ngo Kristo ombu Tororut. Oto rumu Kristo, nyo le supondunyo, ku rumnekwa nyu ngo nyinde ombu ororyu.

1 Petro 2:24

Kip nyinde ng'okicha ombu portanyi ombu baraku ketoni; tuke-meghju ng'oku atukesupjegho man. Kikesopokwa moyokachi.

Galatien 5:24

Wolo kakupartoghju kimurtonwon chane cho pu Kristo Yesu por ngo pruchinoghtinechi ngo mu-chut.

Romen 6:2, 11

Acha cho kikemeghju ng'oku, kitupisocha ombu ng'oku lu ne? . . . Ku lenyon i ombu akwa, oyita kegh lu ochikwa cho kimeghju ng'oku, wolo cho supjegho Tororut ombu Kristo Yesu.

Galatien 6:8

Ombuwolo nyo kuleju portanyi
ku kusei wurat nyo ng'wuno portanyi; wolo nyo kuleju Mugulugh,
ku kusei supon nyo pu kokoi nyo
ng'wuno Mugulugh.

Nyoman nyoman omwoghwo-
kwa lu, nyinde nyo terei ng'u-
liondenyan, akughan nyinde nyo
kiyokwanun, ting'eto supon nyo
pu kokoi, amulutenye kiruwokut,
wolo ku kuwu kwit supon
kung'etuna meghat.

—Yohana 5:24

Aku le oto kisut Musa mo-
roionai barak ombu surkwen, ku
le nyoni ku muchini Wero chi
tukesut barak, tukusuch supon

nyo pu kokoi chi tukul nyo ghunei
nyinde. —Yohana 3:14, 15

Aku nyete ku supon nyo pu
kokoi, kungutinyi Tororut oko-
ng'o nyo pu nyoman, ngo Yesu
Kristo nyo keyokunyi.

—Yohana 17:3

Chichono ghunei Weri ting'eto
supon nyo pu kokoi; aku chichono
muterjininye Weri ku musuwu-
nye supon, wolo tupo nurekyo
Tororut nyinde. —Yohana 3:36

Ombuwolo kisuko ng'oku me-
ghat; wolo konut nyo pu puropjo
Tororut ku supon nyo pu kokoi
nyo mito Kristo Yesu Echo-
tiondenja. —Romen 6:23

Galatien 4:6

Akwombu wolo wor, kuyonu
Tororut Mugulugho Werinyi ku-
lut mugulughwecha, nyo teghei
lu, Aba, nyoni ku, Bapo.

Yohana 14:21

Nyinde nyo ting'eto kiyomi-
sutkuchan akurip, ku nyinde nyo
chumanun; aku chichono chuma-
nun ku chumei Baponyan nyinde,
ngo ani ochuman chichono opor-
jinan kegh nyinde.

1 Yohana 3:18, 19, 24

Monechu mungech, amakany
kecham ombu ng'ulion anda
ombu ng'aliap; wolo ombu ig-
hisu ngo man. Ku lenyono
kingutucha lu kichicha cho pu

man akesaghsaghacha mugulu-
ghwecho ombu taghtanyi....
Aku nyinde nyo ripei kiyo-
misutkachi kutupo orinyi, aku
nyinde ori pu chichonu, Akwom-
bu nyoni kingutucha lu tupo
nyinde orinja, ombu Mugulugh
nyo kikonecha.

Romen 8:16

Suwindunei Mugulugh nyinde
tukul ngo mugulughwecha lu
kichicha monung'o Tororut.

1 Yohana 4:13

Kingutucha ombu ng'uliondonu
lu kitupisocha ombu orinyi aku
nyinde orinja, ombuwolo kikuko-
necha Mugulughunyi.

Yohana 17:13

Wolo ong'wunjininyi ye; akam-waghan ng'alechu ng'wuny atukunyoru ng'urekyenyan oring'wa.

Romen 14:17

Ombuwolo puyunuto Tororut ku melu omisyu ngo ghegħsyu, wolo nyomandun ngo payasat, ngo ng'urekyu ombu Mugulugh nyo Tilil.

Yohana 15:11

Kamwogħwokwa ng'alechu tutkupu ng'arachat enyan ombu akwa, atukuluku ng'aracha-tengwa nyo nyughitite.

Galatién 2:20

Kikipartogħjanun kimurtowon ngo Kristo; wolo osupan; amua-

ninje ng'at, wolo supei Kristo ombu orinyan; aku sutotyunono osuponan ye ombu por ku oting'e-tan ombu kighanat, nyoni pu Wero Tororut nyo kichumanun akitutu kegh ombu ani.

1 Petro 1:8

Ochumekwa nyinde nyo tomo asuwena; a karkeġħ mosuwiye-kwanye nyinde ye, oghunekwa, oturunsot ombu ng'urekyu nyo mumwogħokuno, nyo kikwororit.

Ku lenyono oting'etekwa ye sing'iryu nyoman; wolo tosuwanokwa ng'at aku ng'ureksot mugulughwekwo,aku muminye chi nyo cheng'enokwa ng'urekyengwa.

—Yohana 16:22

Romen 2:13

Ombuwolo melu chane cho lumei kirurut cho pu man ombu tagh pu Tororut, wolo chane cho ighei kirurut cho kiyitini man.

Romen 6:16

Mongutokwanye lu, chichono otunikwa kegh olukukwa mut-workachi atoterjini, ochikwa mut-workachi nyinde nyoni oterjini, ndu ku ng'oku tukwit meghat, ndu ku terjinogh tukwit man?

2 Thesaloniken 1:7-9

Akukerwok cho konyarulokwa kimung'ut tukul ngo acha oto

rumu Echotion Yesu kung'wuno yim tukul ngo malaikenichi cho owesuch, ombu lioput pu ma nyo wow, kuyokju mondogh chane chai mengut Tororut, ngo chono muterjini lugoi cho karamuch cho pu Echotiondenyo Yesu; cho nyoru ng'wonundang'wa, nyoni ku kinyarata kokoi kung'eta ombu tagh pu Echotion ngo ororyo owesyenyi nyo wow.

Ng'ang'ata Yohana 22:14

Soyunote chane cho mwotei surokukwa, choni koghuch, tukunyoru paitagh kureju ketini pu supon, atukulut kanasiandono ombu, oro kukot.

Filipin 2:11

Atukung'any ng'aliepku lupoi lu Yesu Kristo ku Echotion, tukwororit Tororut Bapo.

Mathayo 10:32, 33

Chi anga tukul nyu nyo ng'onjinanun pich, ong'onjinan nyinde tukul Baponyan nyo mi yim. Wolo anga tukul nyo tisonanun ombu tagh pu pich, otisonan nyinde tukul ombu taghto Baponyu nyo mi yim.

Romen 10:9, 10

Ombuwolo oto ing'onyenyi ombu kuting'u lu Yesu ku Echo-
tion, aighanenyi ombu mugulughung'u lu kitūtū Tororut

nyinde kung'etuna ng'wen, kesuruni. Ombuwolo ghunei chi ombu mugulughunyi tukeyitini man, aku ng'onyei chi ombu kutinyi tukunyoru supon.

1 Yohana 2:23

Anga tukul nyo tughei Weri ku mutinyei Bapo; aku nyinde nyo chumei ng'ala Weri ku ting'eto Bapo tukul.

Luka 9:26

Ombuwolo anga tukul nyo lulionei akwombu ani ngo ng'a-
lechan, ku lulionjini tukul Wero Chi chichoni, oto ng'wun ombu ororiényi, ngo nyo pu Bapo, ngo nyo pu malaiken cho tililuch.

1 Petro 5:8

Oripa kegh aripsiena; westoi punyondengwa onyut lata ng'utiny nyo mororei, ku murei chi nyo nyukudoi.

Mathayo 4:1, 10, 11

Kunyini komut Yesu Mugulugh ndu kwit surkwen, atukughot onyutu.... Otolupoi kulenju Yesu, Wejina kegh Setani; ombuwolo kikekir lu, Ikutunju Echo-tion Tororutung'u aipughisieju nyinde ongut. Otolupoi kupustu onyutu nyinde; arose, kepka malaiken kupughisieju.

2 Thesaloniken 2:9

Kutu chichono ku karkegh king'wunatenyi ngo pughisyo

Setani ombu ighat anga tukul nyo pu owesyu ngo kiporunut ngo tung'unjin cho pu putindun.

Efesen 6:11

Alacha kari luk komukol nyo pu Tororut, tomukukwa oghyong'o atagha ortuno kipotut cho pu onyut.

Ighisyewut 26:18

Ateng'any konyikwa, tukuwaghach kegh kupustu tuwun kutany lupoyun, akupustu owesyo Setani kutunju Tororut, atukusuch mutoghuto ng'oku ngo mulan ombu kwenu pi cho kaketililo kighanatanai ghu-noyanun chane.

2 Thesaloniken 2:8

Otolupoi kurumu tighindonai,
nyo purei Echotion Yesu nyinde
ombu kimuny pu kutenyi, aku-
wonyei ombu rumunogho king'-
wunatenyi.

Yakobo 4:7, 8

Ku lenyono nyu, oterjinu
Tororut. Arundena onyut, tuku-
rupenok. Arecha Tororut, tuku-
rechak.

Romen 8:35, 37

Ng'o nyo pesienecha ngo chom-
nyo Kristo? Nyarul nya, anda ku-
mbulelyu, anda kichoputo kong',
anda kumai, anda churutnun,
anda tapanan, anda chok? . . .

Wolo ombu ng'alechuno lupoi
kerundocha nyoman tia ombu
nyinde nyo kichumech.

1 Yohana 3:8

Nyo ighei ng'oku ku pu onyut;
ombuwolo ighei onyutu ng'oku
kung'eta otoni le tagh. Aki-
kurumtu Wero Tororut ombu
machatanu tukunyar ighisyewut
cho pu onyut.

Hebraen 2:14

Ombuwolo ghumtoi monung'u
kisun ngo por, ku lenyono kipor
nyinde tukul chuno, tukuwany
ombu oro meghat nyinde nyai
ting'eto owesyonai wow pu
meghat, onyut nyono.

1 Yohana 4:20

Oto kulu chi, Ochuman Tororut, aku ghuchini nyinde werung'wa, ku putin ombuwolo nyinde nyo muchumunye werung'wa, nyo kasuwa, ku memüchenye kuchumei Tororut nyo kumukusuwanye.

Karkeghong'ulonan kutowo pich ngo malaiken amoting'etanye chomnyogh, kalukwan tai nyo chughei anda bakulion nyo kiluwei. —1 Korinthen 13:1

Kutep ng'at nyo pu odeny, Simon wero Yohana, ichumunyi? Kulenju, Owei Echo-

tion; ingutenyi lu ochuminyi bat. Kulenju, Yokwiya kechiriechan.

—Yohana 21:16

Kungutu pich lupoi ombu nyete lu ochikwa kinetankuchan, oto oting'etekwa chomnyogh akwane ngo akwane. —Yohana 13:35

Wolo okindo Mugulugh ku chomnyogh, ng'urekyu, kalya, mukukunut, tolosyu, karomnyu, kighanat, motnun, riputo kegh... —Galatien 5:22, 23

Kingutecha lu kikeweracha keng' eta meghat kulut supon ombuwolo kuchumecha werkicho. Nyinde nyo muchumenye kutupo ombu meghat. —1 Yohana 3:14

Ighisyewut 10:39-41

Akechicha sowi cho pu ng'al lupoi cho kigha nyinde koro Yudea ngo Yerusalem; nyo kipar akuwudeju ket. Kitütü Tororut nyinde asisto somok, akwigh kurumtu, melu ombu pich lupoi, wulo ombu sowu cho kikukul Tororut, aku acha choni, cho kikiomisyu akegheghsyu ngo nyinde oto kikutütuna ng'wen.

Yohana 20:26-28

Akimito kinetankachi ori ng'at lutu osis mut-ngo-somok, akimoto Tomas tukul ngo chane. Kung'wun Yesu, ku kikekar kukot, kughyong'o kwen, akulu,

Nya kuluku kalya ombu akwa. Otolupoi kulenju Tomas, Ipune ye moruneng'u, airos ewunechan; aipu ewung'u, itu kulut karastanyu; ameluku nyo meghan wolo nyo ghunei. Kuwughuku Tomas kulenju, Echotiondenyu aku Tororutanyu.

Romen 4:25

Nyo kikepju meghat ombu kinyosutkucha, aketütü tukeyitwecha man.

Marko 16:9

Otoni kitutu Yesu asis nyo pu tagh nyo pu wiki, kuporju kegh tagh Maria Magdalene, nyo kikakuyono oi mut-ngo-odeny.

Mathayo 16:21

Kung'eta otini kutor Yesu
kuporju kinetankachi lu mutinye
kuwu nyinde Yerusalem, atu-
kuwong'unu tukun cho chang'
cho pu poi ngo tusu cho echun
ngo kikiru, atukepar, atukututu
asis pu somok.

Yohana 5:25, 28, 29

Nyoman, nyoman omwoghwokwa lu, ng'wunei asis akumi ye,
oto lumei meghon kuti Wero
Tororut, aku supsot chono lumei.... Motung'unju chu, ombu-
wolo muchei itu nyo oto lumei
lupoi cho mito parsikontin
kutinyi, akung'etei; cho kigh nyo
karam ombu kitutunuto supon,

ngo cho kigh ghuityu ombu ki-
tutunuto kiruwokut.

Romen 6:3-5

Mosukunekwanye lu, acha
lupoi cho kikebatisanenech
Kristo Yesu ku kikebatisanenech
meghenyi? Ku lenyono kiketup-
jecha meghat ngo nyinde ombu
oro kibatisanat, atukuluku lu, ku
le oto kikututunu Kristo meghon
ombu ororyo Bapo, ku lenyoni
ombu acha, kepesteghena relun
pu supon. Ombuwolo, oto ki-
kinyoriecha ngo nyinde ombu
meghat nyo le nyenyi, lenyoni
tukul, kelukunecha okong'o ngo
nyinde ombu kitutunut nyo le
nyenyi.

Luka 1:74, 75

Tukukonecha lu, oto kikeghetu-nenecha ewuno pung'kucho tumu-kiwugh kepughisiejini nyinde, ombu tililyu ngo ombu man ombu taghtanyi osiswecha lowur.

2 Korinthen 7:1

Ku lenyono, chamanichu ombu-wolo kitng'etecha kirutoghchu, nya ketililo kegh ombu simnyo-ndun anga tukul nyo pu por ngo nyo pu mugulugh, atukwighisyu tililyu ombu kiwaghata Tororut.

2 Timotheo 2:21

Oto tililo chi kegh tukuchu nyu kuluku karina techat nyo kaketa ombu tililyu, nyo muchini pughisyo chi nyo wow ombu ku,

nyo ighate ombu pughisyu anga lowur nyo karam.

1 Petro 1:15

Wolo ku le wulini tilil nyinde nyo kikurokwa, alukunakwa cho tililuch ombu otuptinekwo lupoi.

1 Petro 1:2

Ku le wulini kingut Tororut Bapo kunyisyok ombu oro pughisyo Mugulugh nyo kitililok toterjini atukeghwatok kisun pu Yesu Kristo; Nya kutasa puropju ombu akwa ngo kalya.

Ikil kegh teporjinu kegh Tororut le nyo kikecham, aku pughisiyon nyo mumuchini kулilian, nyo pughisiegho ku karam ng'uliondo man.—2 Timotheo 2:15

Hebraen 12:14

Arupa kalya ngo pich lowur,
ngo tililyu, nyo oto muminye ku
musuwiyinye chi Echotion.

Ombu nyino nyu, kinyurulei
Yesu tukul koka kanisa sany
tukutilil pikachi ombu kisunka-
chi nyinde. —Hebraen 13:12

1 Yohana 1:9

Oto kung'onyecha ng'okicho,
nyinde ku kighunin aku pu man,
tukulustoghwecha ng'okicho aku-
tililenecha ghuityu lupoi.

Mathayo 3:11

Ani nyoman obatisanokwa
ombu pugh atokutenu; wolo
nyinde nyo ng'wunei lutunyan ku
awes kutulanun, mumuchina-

nunye opei kweghkachi; bat-
sanokwa nyinde ombu Mugulugh
nyo Tili ngo ombu ma.

Efesen 1:4

Ku le wulini kiluwunecha ombu
nyinde ku tomo ketowu ng'wu-
ny, tukeluku cho tililuch cho
buriyu kinyorut ombu tagtanyi
ombu chomnyogh.

Ku lenyono, ombuwolo kiwo-
nyei tukuchu lupoi, rokenokwa
olukune pi cho lata ne ombu
otup nyo tilil aku pu te-
chata Tororut? —2 Petro 3:11

Atolach chichono rel, nyai
kikutowu ombu wulo lata Tororut
ombu man ngo tililyu nyo pu
nyoman. —Efesen 4:24

Oto ongutukwa nyo cho ochu
ghach otu monekwo konunut cho
karamuch, ku tulokwa nyo tia
Bapong'wo nyo pu yim kutu
chane cho somei nyinde Mugulugh
nyo Tilil? —Luka 11:13

Wolo osuchekwa owesyu oto
ng'wunjokwa Mugulugh nyo
Tilil . . . —Ighisyewut 1:8

Wolo kinyughu nyinde Mugulugh
nyo Tilil, kuchirju kong' yim
akusuwa ororyo Tororut, ngo
Yesu nyo ghyong'o ewutagh pu
Tororut. —Ighisyewut 7:55

Wolo akwa, momitekwanye
otup pu por wolo omitekwa otup
nyo pu Mugulugh, oto menyei

Mugulugh pu Tororut ombu oring'wo; wolo oto mutinyei chi
anga tukul Mugulugh nyo pu
Kristo, ku munyeniyine.

—Romen 8:9

Akunyughu kinetan ng'urekyu
ngo Mugulugh nyo Tilil.

—Ighisyewut 13:52

Ombuwolo ki chi nyo karam aki
nyughitate Mugulugh nyo Tilil
ngo kighanat; kutusisyu pi cha
chang' okumpu Echotion.

—Ighisyewut 11:24

Wolo kinyughu nyinde Mugulugh
nyo Tilil, kuchirju kong' yim
akusuwa ororyo Tororut, ngo
Yesu nyo ghyong'o ewutagh pu
Tororut. —Ighisyewut 7:55

Kiyomisot Nyo Po Tanganjin Nyopo Cho Ghonote

43

Mathayo 6:33

Wolo ayara tagh puyunuto
Tororut ngo mandanyi, atuketu-
swokwa tukuchu lupoi.

Akulenju Yesu, Oto imukenyi!
Mukisot tukun lupoi ombu chi
nyo ghunei. —Marko 9:23

Ng'ang'ata Yohana 21:4

Akumisuno konyikwa nyinde
lok lupoi; amu tukumi meghat;
amutukumi singirya, anda
loksyu, anda ng'wonun, ombuwo-
lo kikuwer ng'alechono pu tagh.

Hebraen 12:7

Ku muchinokwa omukukunei
tonyoru kichikunut; ighwokwa

Tororut ku le werkachi; ombu-
wolo ku ng'o wero nyo mechu-
konye bapo?

Mathayo 28:20

. . . arosa, omitan ngo akwa osis
lupoi ndu kwitutu kiwonyogh nyo
pu puroyin pu osiswechu.

1 Petro 4:12, 13

Chamanchu, amasuwa lu tung'-
unjin ghotutonono lata ma mito
kwenungwa, nyono ng'wunjino-
kwa atukughotokwa, ku le oto
kutunjokwa kugh nyo sis. Wolo
ong'urechena ombuwolo oghume-
ju nyurilwoko Kristo, atamuka
tukul ong'urechena aturonju otini
kakiporu ororiencyi.

Hebraen 2:18

Ombuwolo ku lata otino kisuwa nyinde nyarul otino kikeghot ku mūchei nyinde kung'orochei chane chai kughotei.

Romen 16:20

Aku nyinde Tororut pu kalya ku nyunughei Setani ng'wunyuto kelyekwo tomonye kite. Nya kutupu ngo akwa puropjo Echotiondenyo Yesu Kristo. Owei.

2 Korinthen 4:17

Ombuwolo nyarultanja nyo kuskus, nyo pu oto tong'ogh bat, kwighwecha ororyu kokoi nyo nikis nyo tulei tia.

Soyunote chi nyo muitoi ombu ghotut; ombuwolo oto kikumugh-

ju, kunyoru akope nyo pu supon, nyo kirutoghju Echotion chane cho chumei nyinde. —Yakobo 1:12

Akingutecha lu, ombu ng'al lupoi, kwighei Tororut ighisyu tukul ngo pi cho chumei nyinde tukunyorju karomnyu, chane cho kikekur ku le wulo lata muchatenyi.

—Romen 8:28

1 Korinthen 10:13

Manamakwanye ghotuto anga kupoto nyo pu otup pu pich; wolo kighonin Tororut nyo mupusto-yokwanye keghotokwa kutul nyoni omūchekwa omuitoi; wolo ighei tukul ngo ghotutonai, or nyo ochuwitokwa, atu omūchekwa oghiontoi.

Ng'ang'ata Yohana 3:12

Nyo rundoi, oghan kuluku pchuru ombu hekalu Tororutenyan aku kung'etunonye ng'at kokoi; akiran barakunyi kainata Tororutenyan ngo kainata kansiando Tororutenyan, Yerusalem nyo rel, nyo rukuno yim wulo mi Tororutenyan, ngo kainenyan nyo rel.

Ng'ang'ata Yohana 3:5

Nyo rundoi, kelokini suro cho relach le nyai; amomisanye kainenyi nyonikuny kung'etu kitabuto supon, ang'onyan kainenyi ombu tagh pu Baponyan ngo taghto malaikenichi.

Ng'ang'ata Yohana 3:21

Nyo rundoi, otuninan kutupu ngo ani ombu ng'acharunyan nyo pu paitagh, ku le ani nyo kiarundan akotupan ngo Baponyan ombu ng'acharunyi nyo pu paitogh.

Ng'ang'ata Yohana 21:7

Nyinde nyo rundoi ku mulei tukuchu; alukunan Tororutanyi akuluku nyinde werinyan.

Ng'ang'ata Yohana 2:7

Nyo ting'eto yit, nya kulum ng'al cho mwojini Mugulugh kanisen. Otuninan nyinde nyo rundoi kwam cho pu ket pu supon nyo mito paradis nyo pu Tororut.

1 Korinthen 7:10, 11

Wolo oyomisan pi cho kensyote, amuaninye wolo Echotion, makany kupustu korko sandenyi; wolo oto kupustu nya kutupu nyo buryu sande, anda kuchomnyo ngo sandenyi; amakany kupustu chi korkenyi.

Luka 16:18

Chi anga tukul nyo kuyon korkenyi akwip anga, ku kuporesun; aku chi nyo ipei korko nyo kikuyono sandenyi ku kuporesun.

Ombuwolo korko nyo kensyote ku ratate ombu kirurut ngo sandenyi oto tukusupei; wolo, oto ma sandanai, ku ketu kung'eta kirurutonai pu sandenyi. Ku le-

nyoni, oto ting'eto chi anga nyinde, atukusatat sandenyi kekuru chepores. Wolo oto ma sandenyi, ku ketiakena kirurutonai tumulukunye chepores oto kwip chi anga. —Romen 7:2,3

Ng'ang'ata Yohana 2:26

Aku nyo rundoi, ngo nyo ripei ighisyewutkuchan tukwet lutu, otuninan nyinde paitagh ombu baraku pundun.

Mathayo 5:32

Wolo omwoghwokwa nyo le ani lu, Anga tukul nyo kuyon korkenyi kupoto ombu ng'ala alomi, kegh kuluku chepores; akwanga tukul nyo ipei nyinde nyo kikeyon, ku kuporesun.

Yohana 14:3

Akwoto owetan oghwokwa wulo otupisot, ong'wunan ng'at omutokwa katanyan; tukuluku lu wulo omitan omitekwa tukul.

Ng'ang'ata Yohana 3:11

Ong'wunan lawel; nama lasiny nyo iting'eto tumucheng'eny chi akopetung'u.

Marko 8:38

Ombuwolo chi anga tukul nyo lulyonei akwombu ani ngo ombu ng'alechan, ombu punu pu chepresnun ngo nyo pu ng'oku, olulyonei tukul Wero Chi akwombu nyinde, oto ng'wunei ombu ororyo Baponyi ngo nyo pu malai-ken cho tililuch.

Mathayo 24:30

Otolupoi kurumu kiporunuto Wero Chi ombu yim; otolupoi kuriryu pundon lupoi cho pu ng'wuny, akusuwa chane Wero Chi kung'wunei barakuto poltoi yim ngo owesun ngo ororyu nyo wow.

Yakobo 5:8

Omuitosiena, akil mugulugh- wekwo, ombuwolo kilegutit king'-wunata Echotion.

Mathayo 24:27

Ombuwolo ku le atai rumuno kirial kong' asis, akesuwegha to, ku lenyon i ombu king'wunata Wero Chi.

1 Yohana 3:2

Chamanchu, kuchicha monung'o Tororut ye, atomonye kurumu wulo kulatecha. Kingucha lu oto rumu, kelukucha le nyinde; ombuwolo kusuwiyecha nyinde wulo lata.

Ng'ang'ata Yohana 16:15

Arosa, Ong'wunan le chorin. Soyunate nyo ripsiyi aku ripei surokachi, tumuwestu ku churut, akusowu pich alulyanatenyi.

Luka 12:40

Anapakwa kegh nyo; ombuwolo ng'wunei Wero Chi saa nyo olendekwa lu mulenyono.

Ighisyewut 1:11

Akilu, Akwa pi pu Galilaya, ombu ne toghyong'ekwa orosei yim? Nyinde Yesu nyono kakesutu kwenungwa kuwu yim, ng'wunei le nyoni kasuwekwa kuwetei yim.

Mathayo 16:27

Ombuwolo ng'wunei Wero Chi ombu ororyo Kwanda ngo malai-kenichi, otolupoi kurupju chi tukul ku le wulo lata pughisye-wutkachi.

Luka 21:27

Akwotoni ku suwiyi pich Wero Chi, ng'wunei ori pu poltu ngo owesyu ngo ororyu nyo wow.

Ngala Tororut

Werei yim ngo ng'wuny; wolo muwerucha chonikuny ng'a-lechan.

—Luka 21:33

Kuwughuku Yesu kulenju, Kopotiekwa, ombuwolo mongutokwanye kikirut ngo owesyo Tororut.

—Mathayo 22:29

Ombuwolo kimukipunye werkoinun nyonikuny ombu chamaata chi, wolo kimwa pich ng'al cho kipkono Tororut, otini kindoghoghjini chane Mugulugh nyo Tilil.

—2 Petro 1:21

2 Timotheo 3:16

Kikirata Tororut anga tukul ku ting'eto kimuny nyo pu Tororut, aku ng'orokei ombu

kinetut, ombu chilat ombu ng'ang'wang'ityu, ombu kimunyut nyo mito ombu man.

Mugulugh bat nyo tuni supon; mutusunye kugh peny; ng'al cho kiamwoghwokwa ku mugulugh aku supon.

—Yohana 6:63

Hebraen 4:12

Ombuwolo satat ng'uliondo Tororut, akwighei pughisyu, aku ng'atip kutul chok anga tukul nyo ng'atip wop odeny, aku torei kutu kuchagh por ngo mugulugh, ngo ng'echaiai nyo mwoghwaei cho mi kowu ori, aku mukei kusuku kinonsiewut ngo terteghut cho pu mugulugh.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org